



CARBON  
FARMING MED

Interreg  
Euro-MED



Co-funded by  
the European Union

## Ugljična poljoprivreda u praksi

Razmjena znanja, inovacije i jačanje kapaciteta  
Organizovano u okviru projekta **Carbon Farming MED**

● ■ ■ **POZIV** ■ ■ ●



29 Juni 2026 |



10:00-15:00



**Poljoprivredno dobro / Eksperimentalni poligon Butmir, Sarajevo**

Poštovani,

Zadovoljstvo nam je pozvati Vas na događaj pod nazivom „**CarbonConnect- održive prakse od njive do trpeze**“, koji će se održati **29.6.2026. godine na Eksperimentalnom oglednom poligonu Butmir, Butmirska cesta, Sarajevo.**

Događaj zajednički organizuju **Univerzitet u Sarajevu - Poljoprivredno-prehrambeni fakultet i Cener21**, s ciljem promocije i popularizacije koncepta karbon farminga (ugljične poljoprivrede) i održivih praksi koje doprinose otpornijoj poljoprivredi, boljem kvalitetu tla, smanjenju negativnog uticaja na okoliš i stvaranju novih razvojnih i tržišnih prilika u poljoprivredno-prehrambenom sektoru. CarbonConnect će okupiti predstavnike vladinih i nevladinih institucija, poljoprivredne proizvođače, prerađivače, organizacije civilnog društva, učenike srednjih škola, studente, istraživače, građane i sve druge zainteresirane aktere za održive prakse „od njive do trpeze“.

Tokom događaja govorit ćemo o praktičnim rješenjima kao što su minimalna obrada tla, pokrovni usjevi, plodored, agrošumarstvo, upotreba komposta i organskih đubriva, korištenje biougljena, očuvanje organske materije u tlu, održivo upravljanje vodom i druge prakse koje mogu doprinijeti održivijoj i otpornijoj proizvodnji. Posebna pažnja bit će posvećena i izazovima u tranziciji prema održivijim modelima proizvodnje, prilikama koje se otvaraju za proizvođače, institucije i tržište, kao i trendovima koji će oblikovati budućnost poljoprivredno-prehrambenog sektora.

Program događaja obuhvata **tri povezane cjeline:**

- i)** tematske prezentacije i primjere iz prakse, usmjerene na promociju održivih i inovativnih rješenja u poljoprivredi i prehrambenom sektoru;
- ii)** Takmičarski hakaton za učenike i studente, tokom kojeg će timovi u ograničenom vremenu razvijati i predstaviti ideje i potencijalna rješenja za primjenu održivih praksi u stvarnim uslovima, te
- iii)** Interaktivne radionice sa učesnicima u okviru kojih će različite grupe aktera razgovarati o ključnim znanjima, vještinama, preprekama i potrebama za šire usvajanje ovih praksi.

Finalni dio događaja je usmjeren na prezentaciju ideja takmičarskih timova (učenici srednjih škola i studenti fakulteta u BiH), proglašenje najboljih rješenja i neformalnom druženju učesnika.

**Bilo bi nam veliko zadovoljstvo da svojim prisustvom i učešćem doprinesete ovom događaju, posebno kroz razmjenu iskustava, identifikaciju potreba iz prakse i zajedničko promišljanje o mogućnostima šire primjene održivih praksi u Bosni i Hercegovini.**

Detaljnju agendu događaja dostavljamo u prilogu.

S poštovanjem,

Organizacijski odbor događaja CarbonConnect